



## M kengd-y-la ne Wēn-zoεga la sak-n-tũ, la yāmb na n yāa mam poorē, yōs taab wusgo, bi y gād mam Sūnnah la lēdsdb nins sēn yaa tēeg turg-rāmbā sēn yaa kāndgdbā Sūnnah

Yii a Abu Nagiih Al-ṛbaad ḵbn Saariyya nengē, (Wēnd yard be a yīnga) a yeelame: Nabiyaamā (Wēnd puusg la A tulgr be a yīnga) maana tōnd waazu, ti yaa sagls sēn ta tekē, ti sūy yεεse, ti nintām ruuge, ti d yeele: Yaa Wēnd Tēn-tuumā! Ad wōnda Wēnd-na-wat-ne waazu; bi f sagell-do, t'a yeele: «M kengd-y-la ne Wēn-zoεga la sak-n-tũ, la yāmb na n yāa mam poorē, yōs taab wusgo, bi y gād mam Sūnnah la lēdsdb nins sēn yaa tēeg turg-rāmbā sēn yaa kāndgdbā Sūnnah, gād-y rēndā ne yēn-wābdi la m kengd yāmb ti y zāag yel sūngdsā, ti ad Bid'ah buud fāa yaa menengo».

[Naṣun Ṣahuḥun (Gom-sikdem sēn manege)] [A Abuu Daawuud la a At-tirmiiziy n togs-a]

Nabiyaamā (Wēnd puusg la A tulgr be a yīnga) maana a Sahaabsā waazu, ti yaa sagls sēn ta tekē, ti sūy yεεse, ti nintām ruuge, ti b yeele: Yaa Wēnd Tēn-tuumā, ad wōnda Wēnd-na-wat-ne waazu, la rē yaa b sēn yā Nabiyaamā (Wēnd puusg la A tulgr be a yīnga) sēn maan ti tug n ta teka sagellā la bugsgā pugē wā, ti b kos Nabiyaama sagelle, sēn na tōog n gāde, Nabiyaam loogrā poorē, t'a yeele: m sagend-y lame ne Wēnd zoεga, (A Naam yi wagell n zēke), la rēnda yaa waagib-rāmbā tuumā la haraam-rāmbā basgo, la y wum la y tũ, rat n yeel ti: y taoor rāmbā, baa ti yaa yamba n lu yāmb taoore, maa a tōoga yāmb n lu taoore, rat n na n yeel ti nebā sēn yaa yaalg n yuud sā n wa lebg yāmb taoor soaba, bi y ra waog y mensā n zāgs a tūub ye, tū-y-yā-a, rēnda yaa fitna-rāmb yεεs yīnga, la ned ning sēn na n vum yāmb suka, a na n yāa yōs-taab wusgo, rē poorē a vēnegame n wilg-ba yiibā zīigā, yōs-taab-kāngā sā n wa beē, la rēnda yaa sēn na n gād Nabiyaamā (Wēnd puusg la A tulgr be a yīnga) Sunnah la Nabiyaamā lēdsdbā sēn yaa kāndgdbā Sunnah, a 'Abuu Bakar Assidiiki la a 'Umar ḵbn Alhattaabe, a 'Usmaan ḵbn 'Affaan la a 'Ali ḵbn Abii Ṭaalib (Wēnd yard be b fāa yīnga) la b rūm-a ne yēn-wābdi, rat n na n yeel ti b nidg pānga Sunnah gādb la Sunnah tablg pugē, a leb n bugs-b lame n yi yel-sūngdsā dīinā pugē, ti ad Bid'ah fāa gilli, a yaa menengo.

النجاة الخيرية  
ALNAJAT CHARITY

